



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Epistola Benedicti Papae I. Ad David Episcopvm. Probat ex sacris literis,
summam Trinitatem vnitatem esse.

urn:nbn:de:hbz:466:1-15324

EPISTOLA
BENEDICTI PAPÆ I.
AD DAVID EPISCOPVM.

Probat ex sacris literis, summam Trinitatem
vnitatem esse.

*Reuerendissimo fratri episcopo David, Benedictus salutem
in Domino.*

RE S P O N D E R E literis vestris plenius cogitaui: sed cum hoc meditarer, tantus me dolor tetigit, ut magis flere quam aliquid dicere, delectatus sim. Sed ne funditus remaneret, pauca vobis rescribere curaui, ad potiora vos tempora congrue inuitans. Quod autem literæ tuæ testes sunt, quosdam intra prouinciam Bæticam esse, qui dicent, neminem veraciter posse probare, Trinitatem vnitatem fieri, cum neque tres vnum, neque vnum in tribus posse quemquam proprie approbare: quas ob causas, dilectissime fili, consulta tibi apostolicæ sedis misimus, vt aut his eos ad reëtam fidem conuerti facias, aut ab ecclesia, antequam pestis hæc latius diuulgetur, repellas. His (frater) scripturarum testimonis vnitatem Trinitatis agnosce, & desine Arianorum prauitatem sequi, vt ab eadem possis peccatorum indulgentiam promererri, Isaia propheta dicente: *Vidi Dominum sabaoth sedentem super Isa. 6. thronum excelsum, & seraphim stabant in circuitu eius: sex alæ uni, & sex alæ alteri. Duabus velabant faciem eius, duabus autem velabant pedes eius, & duabus volabant. Et clamabant ad alterutrum, dicentes: Sanctus, sanctus, sanctus, Dominus Deus sabaoth.* Si Trinitas non est, quare tertio, sanctus, dixerunt? Et si vnitas non est, quare sub trina repetitione vnum Deum ac Dominum intimarunt? Si Trinitas non est, cur in Geneseos dicitur: *Dixit Deus, fecit Genes. 1. Deus, & benedixit Deus?* Si vero vnitas non est, quare tertio dixit, Deus, & non deos pluraliter commendauit? Et si Trinitas non est, quare in Exodo dictum est tertio: *Domine, Domine, miserator & misericors?* Si vnitas non est, quare dum tertio diceret, Domine, postea miserator sin-

gulariter dixit, & non, miseratores, vt plures ostenderet, intimauit? Si Trinitas non est, cur Abraham ad ilicem

Genes. 18.

Mambre sedens, tribusque occurrens, vni, *Domine*, dixit; & non (vt viderat) tribus salutationis obsequium reddidit?

Exod. 3.

Si vnitatis non est, quare cum Mosi, *Deus Abraham, & Deus Isaac, & Deus Iacob*, tertio diceret, vnitatem ostendens, *Hoc mihi nomen est*, dixit; & non, Hæc sunt nostra nomina, designauit? Si Trinitas non est, quare Dauid tertio

Psalms. 66.

dixit: *Benedicat nos Deus, Deus noster, benedicat nos Deus?* Si vnitatis non est, quare cum, *Deus*, tertio nominasset, *benedicat*, & non, benedicant, adiunxit? Si Trinitas non est, cur Isaia denuo dixit: *Domine Deus sabaOTH, Deus Israel, qui sedes super cherubim?* Si vnitatis non est, quare: *qui sedes*, dicit, & non, qui sedetis, * & adiunxit? Si Trinitas non est,

Isa. 37.

2. Reg. 7. &

3. Reg. 8.

quare in Regnorum libro dicitur: *Domine Deus omnipotens, Deus Israel, sermones tui fideles sunt?* Si vnitatis non est, quare

* aditu-

tui dicitur, & non, vestri, potius intimatur? Si Trinitas non est, cur in psalmo 58. cantatur: *Domine Deus virtutum, Deus Israel, intende ad visitandas omnes gentes?* Si vnitatis non est, quare *intende posuit*, & non, *intendite*, vt prædicatus est, intimauit? Si Trinitas non est, quare in Apocalypsi

Apoc. 4.

tertio dixit: *Sanctus, sanctus, sanctus, Dominus Deus omnipotens, qui est, & qui erat?* Si vnitatis non est, quare non, qui sunt, pluraliter, sed, *qui erat*, designauit? Si Trinitas non est, quare in Deuteronomio dictum est: *Dominus Deus tuus, Deus misericors est, & audiet vocem tuam?* Si vnitatis non est, quare *audiet posuit*, & non, *audient*, intimauit? Si Trinitas non est, quare in Iesu Naue dicitur libro:

Iosue 2. &

Deut. 10.

Dominus Deus deorum est? Si vnitatis non est, quare, est, dixit, & non, sunt, more locutionis induxit? Si Trinitas

3. Reg. 18.

non est, quare Elias orando, *Domine, Domine, Domine, Deus IsraEL, ostende quia tu es Deus meus*, dixit? Si vnitatis non est, quare, *ostende*, & non, *ostendite*, posuit? Si Trinitas

Hebster. 13.

non est, cur Mardochæus orando, *Domine, Domine, Deus omnipotens, omnia in potestate tua sunt*, dixit? Si vnitatis non est, quare *intua posuit*, & non, in *vestra*, signauit?

Judith. 9.

Si Trinitas non est, cur etiam Judith orando dixit: *Domine Deus omnium virtutum, respice in orationem meam?* Si vnitatis non est, quare, *respice*, posuit, & non, *respicite*, designauit? Si Trinitas non est, quare in Ieremia dicitur,

Dominus

*Dominus Deus vester Deus verax est? Si unitas non est, quare, verax est, dixit, & non, veraces, potius intimauit? Si Trinitas non est, quare in Apocalypsi scriptum est: *Dominus Deus & spiritus prophetarum misit angelum suum, ostendere seruis suis quæ oportet fieri cito?* Si unitas non est, quare cum Patrem & Filium & Spiritum nominasset, misit Dominus, dixit, & non, miserunt, sub praetextu trium personarum & nominum introduxit? Si Trinitas non est, quare in Deuteronomio dicitur: *Dominus Deus vester hic est Deus?* Si unitas non est, quare, *Hic est, dixit, & non, hi sunt, plurali numero designauit?* Si Trinitas non est, quare in eodem dicitur libro: *Dominus Deus tuus, Deus magnus & potens est?* Si unitas non est, quare, *magnus & potens, & non pluraliter nominatur?* Si Trinitas non est, cur Tobias filium suum cum in Rages ciuitatem cum Raphaele angelo mitteret, benedicens eos, ita dixisse docetur: *Deus Abraham, & Deus Isaac, & Deus Iacob, ipse impleat benedictionem suam in vobis?* Si unitas non est, quare, *ipse impleat, dixit, & non ipsi impleant, intimauit?* Postremo, si Trinitas non est, quare Dominus discipulos suos in nomine Patris & Filii & Spiritus sancti vniuersas gentes misit baptizare? Si unitas non est, quare, *in nomine, dixit, & non, in nominibus, præcipiendo perdocuit?* Si Trinitas non est, quare apostolus Paulus ait: *Ex ipso, & per ipsum, & in ipso sunt omnia?* Si unitas non est, quare, *ex ipso, posuit, & non, ex ipsis, adstruxit?* Si enim certo certius volueris unitatem Trinitatis agnoscere, a saepe dicto doctore gentium Apostolo poteris vniuersa condiscere, & sequi catholicam fidem, & Arianorum prauitatem respuere. *Gratia Domini nostri Jesu Christi, inquit, & caritas Dei, & communicatio sancti Spiritus. Ipsa est Patris, & Filii, & Spiritus sancti. Quomodo autem in Trinitate vnum sunt? quia natura atque * ab inuicem separari non possunt.* Ceterum, frater carissime, quæ tua continebant scripta, ex subiectis sententiis maxime omnia poteris colligere. Necesse est, frater carissime, adesse diuinum, ubi humanum cessat auxilium. Et ut iuxta apostolum Paulum dicamus, licet verba replicemus, quæ ipse Timotheo scribit dicens: *Ecclesia Dei vi- ui, columna & firmamentum est veritatis. Et manifeste man-**

Concil. Tom. 12.

Tttt

gnum est pietatis sacramentum, quod manifestatum est in carne,
instiscatum est in spiritu, apparuit angelis, prædicatum est in
gentibus, creditum est in mundo, assumptum est in gloria. Spiritus
autem manifeste dicit, quia in nouissimis temporibus discedent qui-
dam a fide, attendentes spiritibus erroris & doctrinæ dæmonio-
rum in hypocris loquentium mendacium, & cauteriatam haben-
tium suam conscientiam, prohibentium nubere, abstinere a cibis
quos Deus creauit ad percipiendum cum gratiarum actione, fide-
libus, & his qui cognoverunt veritatem, quia omnis creatura
Dei bona est, & nihil reiiciendum, quod cum gratiarum actione
percipitur. Sanctificatur enim per verbum Dei & orationem. Hæc
proponens fratribus, bonus eris minister Christi Jesu, enutritus ver-
bo fidei & bonæ doctrinæ, quam affecitus es. Ineptas autem &
inanis fabulas deuita, & exerce te ipsum ad pietatem. Nam cor-
poralis exercitatio ad modicum utilis est. Pietas autem ad omnia
utilis est, promissionem habens vitæ quæ nunc est, & futuræ.
Fidelis sermo & omni acceptione dignus. In hoc enim laboramus
& maledicimur, quia speramus in Deum viuum, qui est salua-
tor omnium hominum, maximeque fidelium. Præcipe hæc & do-
ce. Nemo adolescentiam tuam contemnat, sed exemplum esto fide-
lium in verbo, in conuersatione, in caritate, in fide, in castitate.
Dum venio, attende lectio[n]i, exhortationi, doctrinæ. Noli ne-
gligere gratiam quæ in te est, quæ data est tibi per prophetiam cum
impositione manuum presbyterii. Hæc meditare, in his esto, ut
profectus tuus manifestus sit omnibus. Attende tibi & doctrinæ,
insta in illis. Hoc enim faciens, & te ipsum saluum facies, & eos
qui te audiunt. Fame enim nimis affligitur populus Roma-
nus, qua clade atque aliis anxietatibus vexatus, longam
epistolam minime scribere valui. Tempore congruo de-
nuo (si necesse fuerit) mitte, & ea quæ desideraueris, su-
me. Deus te incolumem custodiat, frater carissime. Amen.
Data quarto Nonas Aprilis, Iustino & Libio viris clarissi-
mis consulibus.